

ՀԱՅԿԱԿԱՆ ՁԵՌԱԳՐԵՐԻ ՄԱԿԱԳՐՈՒԹՅՈՒՆՆԵՐՈՎ ԿԱԶՄԵՐԸ

ՏԻԳՐԱՆ ԿՈՒՑՄՃՑԱՆ (Փաբլիզ)

Թեև հայկական ձեռագրերի գրացուցակավորումը (կատալոգիզացիան) և ուսումնասիրությունը XIX դարում արագորեն առաջընթաց են ապրել՝ ինչպես տեքստերին, այնպես էլ դրանց մանրանկարներին վերաբերող հարցերում, սակայն մինչև այժմ շատ քիչ ուշադրություն է դարձվել կոդիկոլոգիային*, ուստի ձեռագրերի ուսումնասիրությունն այդ տեսակետից տուժել է: Ներկա հաղորդումը կանգ է առնում կաշվե կազմերի մի փոքր, յուրահատուկ խմբի վրա, որոնք ունեն հայերեն մակագրություններ:

Չնայած ժամանակակից տեխնոլոգիան կիրառվում է կոդիկոլոգիական նպատակներով, բայց հայկական ձեռագրերի ուսումնասիրության համար այն քիչ է օգտագործվում: Ամենանշանակալից աշխատությունը, որ մինչև այժմ հրատարակվել է, վերաբերում է հայկական մանրանկարներում օգտագործված գունանյութերի լուսապատկերադրական վերլուծությանը¹: Սակայն նույնիսկ այդ աշխատանքը չի շարունակվել այլ ուսումնասիրողների կամ հետազոտական ինստիտուտների կողմից: Ձեռագրերի պատրաստման, դրանց կառուցվածքի, մագաղաթի կամ թղթի, տողման, կարման, տետրերի և կազմերի ուսումնասիրությունը կամ դեռ չի սկսվել, կամ դեռևս գտնվում է սաղմնային փուլում:

Գուցե ավելորդ է ընդգծել, որ կան համարյա նույնքան հայկական կազմեր, որքան և ձեռագրեր: Սակայն նրբորեն զարդարված կաշվե կազմերը քիչ են ուսումնասիրվել: Ոչ մի նշանակալից մենագրություն հայկական կազմերի վերաբերյալ չի հրատարակվել²: Ոչ մի հատուկ ցուցահանդես դրանց չի նվիրվել: Նոյնը են միայն սակավաթիվ հոդվածներ դրանց մասին, որոնցից կարևորագույններն են Ֆրեդերիկ Մակլերի³, Գարեգին Հովսեփյանի⁴, Բերթ վան Ռեգեմորտերի⁵ և Բաբկեն Առաքելյանի⁶ հոդվածները:

1978 թ. պրոֆեսոր Գի Պեթերբերգը՝ Կոլումբիայի համալսարանից, և ես հետազոտեցինք և լուսանկարեցինք Վենետիկի Ս. Ղազարի Մխիթարյան հայրերի հավաքածոյի կարևորագույն կազմերը: Այդ աշխատանքի արդյունքը եղավ այն, որ մենք պատրաստեցինք մի հատուկ տեղեկամատյան (որտեղ թվարկվում են հայկական կազմի առանձնահատկությունները) երկու խմբագրություններ, մեկը՝ մի էջանոց, որը նախատեսված է արագ աչքի անցկացնելու համար, իսկ մյուսը՝ շատ մանրամասն, բաղկացած չորս էջից, որը նախատեսված է կազմի և կոդիկոլոգիայի մասնագետների համար⁷:

4000 ձեռագրերի մի հավաքածոյի 750 կարևորագույն կազմերը ցուցակագրվել են մեր ռեգիստրի կազմի առանձնահատկությունները ներկայացնող ձեռագրերի նախնական ցուցակում⁸: Այս վերջին խմբի մաս կազմող և դրոշմված մակագրություններ կրող յոթ կաշվե կազմեր եղել են մեր նախորդ հաղորդման թեման⁹: Նման կազմեր համեմատաբար հազ-

* Կոդիկոլոգիա (լատին. codex-ից), օժանդակ գիտություն, որն ուսումնասիրում է ձեռագրերի պատրաստման պատմությունը, նրանց կառուցվածքը և ճակատագիրը (ծան. թարգմանի):

վաղեպե՝ են, քանի որ ցուցակագրված խմբի բոլոր կազմերի 1 տոկոսից պակաս մասն են, իսկ վենետիկում գտնվող բոլոր կազմերի միայն 0,2 տոկոսն են: Թվագրված լինելու շնորհիվ, դրանք ստույգ ինֆորմացիա են ընձեռում իրենց կազմերի տարբեր մասերի՝ կառուցվածքի, կաշվի, զարդարման, գործվածքի աստառի ժամանակագրության մասին: Կա թվագրված կազմերի մեկ այլ տեսակ, որ կարելի է ավելացնել մակագրություններով կաշվե կազմերի խմբին: Խոսքը վերաբերում է արծաթե քանդակազարդ պահպանակներով օժտված կազմերին և կամ նրանց, որոնք ունեն արծաթից կամ որևէ ավելի էժան մետաղից զարդարանքներ¹⁰: Մրանց վրա ևս հաճախ կան մակագրություններ և տարեթվեր: Եվ քանի որ այդ արծաթե թիթեղների մեծ մասն ավելացվել է այն բանից հետո, երբ տախտակները պատվել են կաշվով, այդ մակագրությունների տարեթվերը նույնպես օգտակար են՝ կաշվե կազմերի մի ժամանակագրություն կազմելու համար: Նման արծաթե թիթեղներ կամ նման կազմեր՝ զարդարված զանազան մետաղներից խաչերով, որոնք ամրացված են դրանց, շատ ավելի բազմաթիվ են, քան մակագրություններով կաշվե կազմերը, հետևաբար չեն կարող տեղ գտնել այս հոդվածում¹¹:

Բարբրախտաբար, հայկական կազմարարական արվեստին վերաբերող ստույգ և մանրամասն տեղեկությունները չեն սահմանափակվում միայն նրանցով, որ կարելի է քաղել մետաղյա ամրացված թիթեղների կամ հենց իրենց՝ կազմերի վրայից: Հայ արհեստավորների սովորությունը՝ իրենց անձնական հիշատակարանը թողնելու ձեռագրերում և այլ առարկաների վրա, մեզ տրամադրում է դեռևս չհետազոտված տվյալների մի առատ զանգված՝ կազմերի ուսումնասիրության համար: Հայկական ձեռագրերի ձեռագրացուցակների ընդհանուր տեսությունը մեզ հիմք է տալիս ենթադրելու, որ պահպանվել են տարբեր արժեք և նշանակություն ունեցող հազարից ավելի հիշատակարաններ կամ կազմարարների անունների վկայակոչումներ: Դրանք կարելի է թվագրել X—XIX դդ.¹²:

Հայկական կազմարարական տեխնիկան, ինչպես և հունականը կամ ասորականը, կողքսի՝ ստեղծման ընթացքում հետևում էր զպտի կազմարարների կողմից կիրառվող կանոններին: Ղպտիների, իսկ ավելի ուշ՝ մահմեդական կազմարարների կողմից օգտագործված սառը եղանակով դրոշմազարդման տեխնիկան միաձուլվել է հայ արհեստավորների հմտությանը: Սակայն ինչպես և արվեստի մյուս բնագավառներում, այս ասպարեզում ևս Հայաստանն ընթացել է իր սեփական ուղիով, և է՛լ ավելի յուրահատուկ կերպով՝ կաշվի զարդարման ասպարեզում: Պահպանված կաշվե կազմերից հնազույնները XI դարից են¹³, իսկ կազմարարների ամենահին հիշատակարանները թվագրվում են X—XI դդ.¹⁴: Այս ժամանակաշրջանում է, որ կազմարարությունը դարձել է մասնագետների գործ և շատ է զարգացել միջնադարյան Հայաստանում: Նրբորեն զարդարված կազմերը ստեղծվում էին այն գեղարվեստական միտումների հետևողությամբ, որոնք այդ ժամանակ գերիշխող էին Հայաստանում, օրինակ, նրանց, որոնք կիրառվում էին խաչի տեսքով տապանաքարերի, այսինքն՝ խաչքարերի զարդարման մեջ:

Հին հայկական կազմերի ամենաբնորոշ դեկորատիվ մոտիվն իրենից ներկայացնում է վերի կողի վրա հմտորեն միահյուսված գծերով կազմված մի խաչ, որը տեղադրված է աստիճանավոր պատվանդանին, իսկ վարի կողի վրա՝ մի ուղղանկյուն, որն իր մեջ ամփոփում է նույնպես հյուսածո մոտիվներ, և որի նշանակությունը դեռևս չի լուսաբանված¹⁵: Այս հյուսածո խաչին

¹⁰ Կողքս (լատին. codex), հին Հռոմում գոյություն ունեցած գրքի ձև՝ միմյանց ամրացված մոմած տախտակներից, պապիրուսի թերթերից կամ մազաղաթից. հետագայում տարածում է գտել և այլ երկրներում: Ժամանակակից գիրքը շարունակում է պահպանել կողքսի ձևը (ծան. թարգմանչի):

տրված նախապատվության մասին է վկայում վերջինիս առկայությունը X—XIII դդ. բազմաթիվ ձեռագրերի մանրանկարներում¹⁶։ Կարելի է գտնել ևս մի մոտիվ՝ բարդ երկրաչափական վարդյակ, որը թվագրվում է XII դարի վերջով։ Դրա ներշնչման աղբյուրն, անկասկած, հանդիսացել են հին զրափական կազմերը¹⁷։

Մակայն զարդարանքը չէր սահմանափակվում սոսկ այս մոտիվներով։ Ոգտագործվում էր հրկրաչափական, իսկ ավելի ուշ՝ նաև ծաղկային ձևերի մի մեծ բազմադանութուն, ինչպես նաև ավանդական հյուսածո ժապավենները։ Մետաղյա, հաճախ արծաթյա, գամերի առկայությունը՝ որևէ մոտիվ ընդգծելու համար, նույնպես բնորոշ էր հայկական արվեստին¹⁸։ Կիրառվում էին զանազան դրոշմամալիչներ՝ գիլյոշներ*, փոքրիկ օվալներ, կրկնակի օվալներ, կետեր, փոքր վարդյակներ, սակայն, ի հակադրություն հունական ավանդույթի, կենդանական կամ թռչնային մոտիվներ ներկայացված չէին։ Բոլորածալքերը հաճախ զարդարվում էին, իսկ երբեմն նաև կաշվի շյուղերով, որ ներսի կողմից տախտակների վրա էին ծալված։ Զարգացան տարբեր ոճեր, ինչպիսիք էին Ղրիմի ոճը¹⁹ կամ Նոր Զուղայինը։ Որոշ կենտրոններ, ինչպես Նոր Զուղայինը, հակված են եղել դեպի արևմտյան դեկորատիվ արվեստը, մինչդեռ նրանք, որոնք շատ հեռու էին օտարերկրյա ճանապարհորդների կամ վաճառականների հետ հարևան շփումից, ինչպես Տաթևի վանքը, անշեղորեն հավատարիմ էին մնում ավանդական մոտիվներին։ Այս վաղնջամետ տեքստիլները, ինչպես նաև այն փաստը, որ որոշ ձեռագրեր, հատկապես Ավետարաններ, կազմվել են մի քանի անգամ, դժվարացնում են թվագրման խնդիրը նույնիսկ այն դեպքերում, երբ կարելի է գտնել կազմարարների հիշատակարանները։ Միայն կազմարարական տեխնիկաների մասնագետը կարող է կառուցվածքի ուշադիր հետազոտությամբ միջոցով պարզել այն կապը, որ գոյություն ունի այժմ ձեռագիրը պատող կողի և տեքստի ու նրա հիշատակարանների տարեթվի միջև։

Թվագրված մակագրություններ կրող կազմերն օգնում են լուսաբանելու այս խնդիրները, սակայն հնագույն մակագրություններով կազմարը, որ ես ցուցակագրել եմ, XVI դարից են. դրանք չորսն են։ Առաջինը 1565 թ. կազմ է, որ գտնվում է 1450-ին Արծկեում՝ Վանա լճի մոտ ընդօրինակված մի Ընթերցարանի վրա. կազմի ստեղծման վայրը և կազմարարի անունը մնում են անհայտ²⁰։ Երկրորդ կազմը պատրաստվել է 1581-ին ոմն Ղազար կազմարարի կողմից և գտնվում է 1477 թ. մի ձեռագրի վրա, որն ընդօրինակված է Ռատոնյաց գավառում։ Կազմարարի անունը գտնվում է վերի կողի վրա, սակայն տարեթիվը հայտնի է դառնում հիշատակարանի շնորհիվ. շնայած դրան, կազմի պատրաստման վայրը պարզ չէ²¹։ Երկու այլ կազմեր, պատրաստված ոմն Փիլիպոսի կողմից 1585 թ. (մեկը՝ 1304 թ. մի Ավետարանի համար, որի գրչության վայրն անհայտ է, մյուսը՝ 1586-ով թվագրված և նախատեսված Մոկաց գավառում 1452 թ. ընդօրինակված մի Ավետարանի համար), ունեն նկարազարդ և թվագրված կողեր²²։ XVI դարի մակագրություններ կրող այս չորս կազմերը հիշատակվեցին մեկ առ մեկ, քանի որ դրանք այն եզակի հայկական օրինակներն են, որոնք վերաբերում են 1605 թ. Իրանում Իսպահանի արվարձաններից մեկի՝ հայկական քաղաք Նոր Զուղայի հիմնադրմանը նախորդած ժամանակաշրջանին։ Այստեղ է, որ զարգացել է և կատարելագործվել մակագրություններով կազմերի արվեստը։

Նոր մենք ցուցակագրած և ուսումնասիրած կլինենք մեզ հասած բոլոր մակագրություններով կազմերը, կարող են պարզվել այդ տեխնիկայի ծագումը և այն վայրերը, որտեղ դրանք մուտք են գործել։ Հայտնի են մա-

* Գիլյոշ (ֆրանս. guilloche), հատվող գծերով կազմված զարդանախշ. օգտագործվում է թանկարժեք մետաղների փորագրման մեջ (ծան. Թարգմանչի)։

կազմավորվել են, թվագրված կազմեր և այլ հայկականից տարբեր, ավանդույթներում, որոնք վերաբերում են առնվազն XV դարին²³, այս ժամանակաշրջանից հետո այդ պրակտիկան տարածում է գտել Արևելքում և Արևմուտքում: Քանի որ ես չեմ կարողացել ուսումնասիրել ձեռագրերի այն խումբը, որի աղբյուրը հանդիսացել են այս օտար ավանդույթները, առայժմ հնարավոր չէ ասել, թե դրանք ինչ ազդեցություն կարող էին ունենալ հայկական տեխնիկաների վրա: Քանի որ XVI և XVII դդ. արևմտյան դրոշմամալիչներն ու մոտիվները Հայաստանում սովորական էին դարձել, կարելի է նախանշել արևմտյան ազդեցության հնարավորությունը: Այնուամենայնիվ, կազմերի վրա մակագրություններ թողնելու գաղափարը հայերի մոտ կարող էր և ինքնաբերաբար ծագած լինել՝ մեմորիալների նկատմամբ նրանց ունեցած հակման փաստից ելնելով: Կասկած չկա, որ կազմերի վրա դրոշմամալիչով արված մակագրությունների ի հայտ գալը կապված է տպագրության գյուտի հետ, քանի որ յուրաքանչյուր տառ ունի իր հատուկ մալիչը, ճիշտ ինչպես ձեռքով արվող շարվածքի դեպքում: Հայ գրատպությունը զարգացում էր ապրում հենց XVI դարում՝ առաջին գրքերը տպագրվել էին Վենետիկում 1511—1513 թթ. միջև ընկած ժամանակահատվածում²⁴:

Մակագրություններով հնագույն կազմը, որն աներկրայորեն ծագում է Նոր Զուղայից, գտնվում է 1653 և 1658 թթ. միջև ընդօրինակված մի ձեռագրի վրա²⁵: Սակայն հայտնի են նույն այդ XVII դարի 20-ական թթ. վերաբերող յոթ կազմեր, որոնց մեծ մասը մակագրություններով է: Դրանցից միայն երկուսն են ստեղծվել նույն այն ժամանակ, ինչ և տեքստը, մեկը՝ Գլաձորի վանքում, Հյուսիսային Հայաստանում, որը թվագրված է 1611 թ., մյուսը՝ Լեհաստանում, Կամենեց-Պոդոլսկում և թվագրված է 1619 թ.²⁶, Հինգ այլ կազմեր, թվագրված 1613—1619 թթ., կրում են կազմարարների անունները, սակայն դրանց պատրաստման վայրը մնում է անորոշ, բացառությամբ մեկի²⁷:

Շատ հնարավոր է, որ կազմերի այս վերջին խումբը պատրաստված լինի Իսպահանում, կարող է նույնիսկ Նոր Զուղայում: Արաբսի ափին գտնվող հին քաղաք Զուղան 1604 թ. ավերելուց հետո Շահ Աբբասը հայ բնակչությանը ստիպեց բնակություն հաստատել մայրաքաղաքի՝ Իսպահանի արվարձաններից մեկում, որը նա անվանեց Նոր Զուղա: Համարյա անմիջապես, 1607 թ. ի վեր, այստեղ ընդօրինակվել են նոր ձեռագրեր²⁸: Մի ձեռագիր, որն արդեն սկսված էր հին քաղաքում, ավարտվել է Նոր Զուղայում արդեն 1605 թ.²⁹: Անշուշտ, դրանցից յուրաքանչյուրի համար կազմ էր հարկավոր: Դժբախտաբար, այս կազմերը դեռևս ո՛չ հրատարակված են, ո՛չ ուսումնասիրված, հետևաբար հնարավոր չէ հաստատապես ասել, թե արդյո՞ք կազմերի վրա մակագրություններ դրոշմելու սովորույթն իրոք սկիզբ է առել Նոր Զուղայում, XVII դարի կեսից առաջ:

Այնուամենայնիվ, XVII դարի երկրորդ կեսին և XVIII դարի առաջին կեսին վերաբերող մակագրություններով հայկական կազմերի մեծամասնությունը, հազվադեպ բացառություններով, ծագում է կամ Նոր Զուղայից, կամ Իսպահանից, կամ հարևան հայկական գյուղերից: Ոմանք մատնանշում են արևմտյան ազդեցություններ՝ այս կազմերի վրա, հատկապես այն եվրոպական դրոշմամալիչներին վերաբերող հարցերում, որոնք կիրառվել են կաշվի զարդարման մեջ հայերի համար ավանդական հանդիսացածների կողմից³⁰:

Նախնական տվյալների ցուցակում (որտեղ ընդգրկված են մոտ 115 մակագրություններով հայկական կազմեր) տեղ գտածներից 53-ը ընդօրինակվել են և կազմվել ու մակագրվել Նոր Զուղայում կամ, ավելի հազվադեպ, Իսպահանում, մինչդեռ 46 այլ կազմեր, որոնցից 8-ը պահվում են Նոր Զուղայի վանքի գրադարանում, իրենց պատրաստման վայրի մասին հիշատակարաններում մատնանշում չունեն: Մեր ցուցակի մակագրություններով

կազմ ունեցող մնացած 14 ձեռագրերը ծագում են այլ հայկական կենտրոններից, բայց միայն վեցն ունեն կազմեր, որոնք ժամանակակից են կողքսի ստեղծմանը՝ Ամ. խորհրդամ 1700, կազմը՝ 1703-ի, Կաֆա 1714, կազմը՝ նույն թվականի, Լ՝ Կվա 1758, կազմը՝ նույն թվականի, Սանկտ-Պետերբուրգ 1811, կազմը՝ 1814-ի, Շուշի 1831, կազմը՝ 1837-ի։ Մյուսներն Ամստերդամից են, Վենետիկից, Հալեպից, Երևանից, Աղթամարից և այլ վայրերից, բոլորն էլ վերստին կազմված հայտնի չէ որտեղ, բայց շատ հավանականորեն՝ Նոր Զուղայում։

Ակնհայտ է, որ Իսպահանի այդ հայկական արվարձանում, ուր գերիշխում էր վաճառականների դասը, և, հետևաբար, արևմտյան կողմնորոշումը, կազմերի ստեղծման արվեստը մեծ ժողովրդականություն էր վայելում։ Կարելի է ենթադրել, որ մակագրություններով այն 46 կազմերի մեծ մասը, որոնց ծագման վայրը չի նշված հիշատակարանում, նույնպես հանդիսանում են Զուղայի որևէ արհեստանոցի արտադրանքը։ XVII և XVIII դդ. մակագրություններով այս կազմերի վաղեմած ժողովրդականությունն այնքան մեծ էր, որ այստեղ ընդօրինակված ձեռագրերի 10 տոկոսից ավելին կրում էին գրանցից³¹։ Ընդհանրապես, այս կազմերն ունեն վառ արտահայտված առանձնահատկություններ, և, հետևաբար, բավական հեշտ են ճանաչվում՝ կաշվի հաճախ բաց գույն, ավանդական հյուսվածապատ, պատվանդանով խաչի բացակայություն, սառը եղանակով արված զարդարանք՝ արևմտյան այնպիսի դրոշմամամլիչների օգուագործումով, ինչպիսիք են շուշանը*, Աստվածամայրը և խաչելությունները։

Վենետիկի Ս. Ղազարի հավաքածոյի յոթ մակագրություններով կազմերից վեցը Նոր Զուղայից են կամ Իսպահանից։ Կան նաև առնվազն երեքը՝ Փարիզի Ազգային գրադարանի հայկական ֆոնդին պատկանող, և մեկը՝ Երևանի հարուստ հավաքածոյից, որն արդեն հրատարակված է։ Այս տասներմեկ նմուշները ներկայացված են, ըստ ժամանակագրության, հետևյալ ցուցակում։

1. 1658 թ.։ Երևան, Մատենադարան, ձեռ. № 200։ Աստվածաշունչ, ընդօրինակված Նոր Զուղայում Յոհանէս դպիրի կողմից Պարոն Ամենտիքի համար, 1653-ի և 1658-ի միջև³²։ Մակագրությունը, ուղղանկյան տեսքով, սկսվում է վերի կողի վերևամասի ձախ անկյունից։

Յ[Ի]Շ[Ա]Տ[Ա]Կ Է Ա[ՍՏՈՒԱ]ԾԱՇՈՒՆՉՍ ԱԻԵՏԻՔԻՆ ԵՒ ԾՆՕՂԱՅՆ ՁԻՔ ՊԵՏՐՈՍԻՆ, ՄԷՐ ՏԱՏԻԿԻՆ ԵՒ ՈՐԴՈՑՆ՝ ԱՂԱՄԱԼԻՆ, ՊՕՂՈՍԻՆ ԵՒ ՄՕՐՆ ԵՂԻՍԱԲԵԹԻՆ։

Հիմնապատասխան վրա, Կույսի երկու կողմերում, կան հինգ կամ վեց տառեր, հավանաբար՝ ՄԱՐԻԱՄ, որոնք, սակայն, վատ են դուրս բերված³³։

2. 1663 թ.։ Վենետիկ, Մխիթարյան գրադարան, Ս. Ղազար, ձեռ. № 2143. Գիրք պարապմեց, ժակ Մաթոսյանի նախկին հավաքածո, № 44։ Մակագրությունը, ուղղանկյան տեսքով, սկսվում է վերի կողի վերնամասի ձախ անկյունից։

ԳՐԵՑԱԻ ՁԵՌԱՄԲ Տ[Է]Ր ՅՈՀԱՆԻՍԻՆ Ի ՎԱՅԵԼՈՒՄ ԱՆՁԻՆ ԻԻՐ[Ո]Յ ԹՎ[ԻՆ] Ռ. Ճ. Ժ. Բ.

3. 1682 թ.։ Փարիզ, Ազգային գրադարան, ձեռ. arm. 245. Բժշկական տրակտատների ժողովածու, ընդօրինակված Մարունանում, Իսպահանի մոտ, 1682-ին։ Մակագրությունը երկու տողով է, վերի կողի վերնամասում։

Յ[Ի]Շ[Ա]Տ[Ա]Կ Է ՀԱՔԻՄ ԱՐՆԱՍԻ ՀԱՔԻՄ

ՏԷՐ ՅԱԿՈԲԻՆ ԹՎԻՆ Ռ. Ճ. Լ. Ա. ԱՄԻՆ³⁴։

4. 1695 թ.։ Վենետիկ, Մխիթարյան գրադարան, Ս. Ղազար, ձեռ. №

* Շուշան՝ (ֆրանս. fleur de lis), Ֆրանսիայում թագավորական իշխանության խորհրդանշանը, որ պատկերված էր ֆրանսիական թագավորների հին զինանշաններին (ծան. քարզմանը)։

1351, Գրիգոր Տաթևացի, Հարց ուսման, ընդօրինակված Շոշում (այսինքն՝ Իսպահանում), 1695-ին⁵: Մակագրությունը, ուղղանկյան տեսքով, սկզբում է մեռի կողի վերնամասի ձախ անկյունից.

Գրեթե Զեռ-ԱՄՐ Տ[Է]Ր ՄԸԿՐՏԶԻՆ Յ[Ի]Շ[Ա]Տ[Ա]Կ է ԻԻՐՆ ԵՒ ՄՆՕ- ՂԱՅՆ ԱՂԱԹԵՂԷ ԵՒ ՄՕՐՆ ԱՆՆԱՅԷ Ի ԹՎԻՆ Ռ. Ճ. Խ. Դ. ԱՄԻՆ.

5. 1698 թ.: Վենետիկ, Մխիթարյան գրադարան, Ս. Ղազար, ձեռ. № 1485. Հաագան, ընդօրինակված Հայրապետի կողմից Շոշում (Իսպահանում), 1699-ին: Մակագրությունը գուգահեռ երիզների տեսքով է՝ վերի կողի վերևում և ներքևում.

Յ[Ի]Շ[Ա]Տ[Ա]Կ է Պ[Ա]Ր[Ո]Ն ՄԱՐՏԻՐՈՍԻ ՈՐԴԻ Ա[ՍՏՈՒԱ]ԾԱ- Տ[ՈՒ]ՐԷ ԹՎԻՆ Ռ. Ճ. Խ. Է.

6. 1700 թ.: Վենետիկ, Մխիթարյան գրադարան, ձեռ. № 1527. Վարդ Հարանց, արտագրված նոր Զուգայում, 1641-ին: Մակագրությունը գուգահեռ երիզների տեսքով է՝ վերի կողի վերևում և ներքևում.

Յ[Ի]Շ[Ա]Տ[Ա]Կ է ՄՕՎՍԷՍ Վ[ԱՐ]ԴԱՊԵՏԻՆ [ԹՎ]ԻՆՆ Ռ. Ճ. Խ. Թ.

7. 1710 թ.: Վենետիկ, Մխիթարյան գրադարան, Ս. Ղազար, ձեռ. № 897: Ուղղանկյան տեսքով արձանագրությունն սկսվում է վարի կողի վերնամասի ձախ անկյունից և շարունակվում է երեք ուղղությամբ: Տարեթիվը գտնվում է հակառակ երեսին, հիմնապատասխան մեջտեղում գտնվող մեկ այլ երիզի վրա.

Ք[ՐԻՍՏՈՍ]Ի Ծ[Ա]Ր[ԱՅ] ՏԱՐԱԳՐԵԱԼ³⁶ ՄԱՀՏԵՍԻ ՄԱՐՏԻՐՈՍ ԹՎԻՆ ՓՐԿԶԻՆ Ռ. Է. Ճ. Ժ.

8. 1710 թ.: Վենետիկ, Մխիթարյան գրադարան, Ս. Ղազար, ձեռ. № 1571. Մաշտոց, ընդօրինակված, զարդարված և կազմված Տեր Խաչատուրի կողմից, նոր երևանում, Ս. Փրկչի և Ս. Ստեփանոսի եկեղեցիներում, 1704—1710 թթ. ընթացքում: Ուղղանկյան տեսքով մակագրությունն սկսվում է վերի կողի վերնամասի ձախ անկյունում և շարունակվում երեք ուղղությամբ.

ՅԻՇԱՏԱԿ է ՄԱՇՏՈՑ ՏԷԻՐ³⁷ ԽԱԶԱՏՈՒՐԻՆ ԵՒ ՈՐԴՈՑՆ, ԹՎԻՆ Ռ. Ճ. Ս. Թ.

9. 1715 թ.: Փարիզ, Ազգային գրադարան, ձեռ. arm. 314 (նախկին supplement arm. 134): Քերականություն և տրամաբանական մի տրակտատ, գրված Սիսեոն Զուղայեցու կողմից, ընդօրինակված նոր Զուղայի Ս. Փրկչի վանքում, 1715-ին: Մակագրությունը, ուղղանկյան տեսքով, սկսվում է վարի կողի ներքևից, ձախ անկյունից.

Ի ՎԱՅԵԼՈՒՄՆ ԴԱՆԻԷԼ ՍԱՐԳԻՍ Վ[Ա]Ր[ԴԱ]Պ[Ե]Տ[Ա]ՅՆ Ռ. Ճ. Կ. Ե. ԹՎԻՆ³⁸.

10. 1729 թ.: Փարիզ, Ազգային գրադարան, ձեռ. arm. 25 (նախկին supplément arm. 127): Ավետարան, ընդօրինակված Վենետիկում 1658-ին: Ուղղանկյան տեսքով մակագրությունն սկսվում է վերի կողի վերնամասի ձախ անկյունից.

Յ[Ի]Շ[Ա]Տ[Ա]Կ է Ս[ՈՒՐ]Ա ԱԻԲՏԱՐԱՆ]Ս ՖԱՀՐԱՊՈՍՏԻ Ա[ՍՏՈՒԱ]- ՍԱՏՈՒՐ ՎԱՐԴԱՊԵՏԻՆ ԵՒ ԻՄ ՄՆՈՂԱՅՆ ԹԻՆ Ռ. Ճ. Հ. Թ. ՕԳ[Ո]Ս[ՈՍ] Գ.³⁹

11. 1787 թ.: Վենետիկ, Մխիթարյան գրադարան, Ս. Ղազար, ձեռ. № 1708. Ավետարան, ընդօրինակված 1370-ին թվականում (Նկեղյաց բաժնում), Տարոնի եպիսկոպոս Յովհաննէսի կողմից: Այն նորոգվել և վերստին կազմվել է Տեր Պետրոսի կողմից, Սեբաստիայում՝ ըստ վարի կողի հակառակ երեսին գտնվող հիշատակարանի⁴⁰: Մակագրությունները վերի և վարի կողերի վրա են, գտնվում են հիմնապատասխան կենտրոնում, խաչի տակ⁴¹.

Վերի կող.
Տ[Է]Ր Պ[Օ]Ղ[ՈՍ]

Վարի կող.
ԲՄԼԶ

Այս մակագրությունների բովանդակությունից մենք տեղեկանում ենք, որ նրանց դերը փաստորեն պատվիրատու անձին և կամ այն սեփականատիրոջը հիշատակելն էր, որին, ավելի ուշ, պատկանել է ձեռագիրը: Դրանք իրենց ժամանակվա մատենանիշներն էին (ex libris). օրինակ, ոմն վարդապետ Ալեքսանդր, 1698 և 1704 թթ. միջև, պատվիրել է առնվազն շորս ձեռագիր, որոնցից յուրաքանչյուրն ունի նրա անունը հիշատակող մակագրություններով կազմ⁴²:

Ակնհայտ է, որ այս ձեռագրերը մեզ հնարավորություն են տալիս բացահայտելու նոր Ջուղայում ուշ շրջանում գոյություն ունեցած մի արհեստանոցի, հնարավոր է նույնիսկ դպրոցի, առկայությունը: Երբ նմուշների մեծամասնությունն ուսումնասիրված կլինի, հնարավոր կլինի պարզել այդ արհեստանոցի պրոֆիլը:

Առայժմ անհայտ է մնում այն ամենն, ինչ վերաբերում է Ջուղայի դրպրոցին՝ արհեստանոցների թիվը, աշխատանքի պայմանները, աշխատանքի բաժանումն ըստ մասնագիտությունների: Կազմերի մակագրությունները, ինչպես նաև ձեռագրերի հիշատակարանները, մեզ տեղեկացնում են, որ գրքի դործը հղել է նոր Ջուղայի Ս. Փրկչի վանքի վանականների առանձնաշնորհը: Ենթադրվում է, հավանաբար իրավացիորեն, որ կազմը պատրաստվում էր նրանց կողմից: 1636-ին վանքում հիմնվել է Իրանում առաջին տպարանը, որը գործել է մինչև 1650 թ.: Տպարանի կարիքների համար թուղթը, թանաքները և կազմը պատրաստվել են վանականների կողմից⁴³:

Նոր Ջուղայի կազմարարներից աչքի է ընկնում առնվազն մեկը՝ Ազարիա անունով: Հիշատակարանների շնորհիվ հայտնի է դառնում, որ առնվազն վեց թվագրված կազմեր, 1663—1698 թթ., կարող են նրան վերագրվել: Վերջիններիս ուսումնասիրությունը թույլ է տալիս ենթադրել, որ նրան կարելի է վերագրել այլ կազմեր ևս, այս անգամ՝ չթվագրված: Կարծելի է նկատել նաև, որ որոշ կազմարարներ միաժամանակ նաև գրիչներ են եղել: Երբեմն արհեստավորն իր սեփական անունն է թողել իր իսկ ձևավորած կազմի վրա:

Ձևայած այն հանգամանքին, որ XVII և XVIII դդ. ընթացքում մակագրություններով կազմեր պատրաստվել են նաև այլ վայրերում ու այլ լեզուներով (ռուսերեն՝ 1758-ին, Մոսկվայում), այս առանձնահատկությունը ավելահայտորեն հատկանշական է մնում նոր Ջուղայի համար:

Իհարկե, նոր Ջուղայի կազմերի ուսումնասիրությունը, մակագրություններով լինեն դրանք, թե առանց դրանց, կարող է լրացնել միայն հայ կազմարարական արվեստը՝ ներկայացնող մի սահմանափակ խմբին վերաբերող բացը: Սակայն վերջիններիս ունեցած շատ հստակ դեկորատիվ առանձնահատկությունները և այդքան ճշգրիտ վերագրումները հանգեցնում են նրան, որ անհրաժեշտ է ավելի խոր հետազոտություններ ծավալել այդ ռուսումնասիրված բնագավառում: Դրանց ուսումնասիրության ընթացքում ձեռք բերված մեթոդոլոգիան կարող է կիրառվել, սկզբնական շրջանում, նույն դարաշրջանի առանց մակագրության կազմերի համար, այնուհետև՝ ձեռագրերի բաղմամբիվ հիշատակարանների օգնությամբ պարզելու համար հնագույն արհեստանոցների գտնվելու վայրերը: Մակագրություններով կազմերը հնարավորություն կտան պատրաստելու օգտագործված մոտիվների և դրոշմամամլիչների մի ժամանակագրական կատալոգ:

Հայկական կազմը չի սահմանափակվում միայն կաշվով: Կան հարյուրավոր կազմեր, պատված արծաթե քանդակազարդ թիթեղներով, իսկ ավելի հազվադեպ՝ էմալապատ և կամ նկարներով զարդարված, որ ամրացված են ուղղակի կաշվի վրա՝ սրբապատկերների նման: Մենք գեռ սպասում ենք, որ դրանց վերաբերյալ սիստեմատիկ հետազոտություն կատարվի: Բացի այդ, հայկական կազմարարական ավանդույթի մի կարևոր կողմ, որ բացակայում է բյուզանդացիների մոտ, ներկայացված է կողերի հակառակ երեսները պատող գործվածքի կազմաստառների տեսքով: Ձևայած Լ. Դուռ-

նոթոյի և Զ. Բառայանի աշխատութիւններին¹⁴, անելու շատ բան է մնում, քանի որ անհրաժեշտ է հրատարակել այդ գործվածքների պատառիկները և պարզել այն երկրները, որտեղից դրանք ծագում են:

Ինչպես և հայկական ձեռագրերի ուսումնասիրութեան բոլոր մյուս բնագավառներում, այստեղ էլ հսկայական աշխատանք կա անելու: Նախ, անհրաժեշտ կլինի մի հստակ մեթոդոլոգիա մշակել, այնուհետև հարկ կլինի գրապահոցների աշխատակիցների և հետազոտողների ուղղորդելու հրամայելով: Գրքի պատմութեան համար հայ կողիկոլոգիայի ունեցած կարևորութեան վրա:

Մ Ա Ն Ո Ք Ա Գ Ր Ո Ւ Ք Յ Ո Ւ Ն Ն Ե Ր

1. Այն ձեռնարկվել է Թոմաս Մաթիուսի կողմից (Նյու Յորքի համալսարանի Գեղարվեստի ինստիտուտ). 1970-ական թթ. Ռոբերտ Ալլիսոնը՝ Ջիկագոյի համալսարանի Ռեգենս-տեյն գրադարանից, արդեն կատարել էր համանման մի հետազոտություն հիշյալ հավաքածոյի հայկական ձեռագրերի վերաբերյալ, որը երբեք չի հրատարակվել (1976, էջ 152—165):

2. Գրվել է միայն մեկ ուսումնասիրություն՝ Գարեգին Հոֆսթիյանի կողմից (որն այդ ժամանակ Իրանում Նոր Զուլայի արքայիսկոպոսն էր), ընդհանուր բնույթի, բայց շատ կարևոր, վերնագրված՝ «Մի էջ հայ արվեստի և մշակույթի պատմությունից», Հալեպ, 1930. 56 էջ, 21 պատկերներով: Այս աշխատությունն ավելի շատ վերաբերում է արծաթե կազմերին: Առաքելյանի հոդվածի համար նայել ստորև, ծան. 6:

3. Note sur quelques manuscrits arméniens avec rellures à inscriptions.—«Բանասեր», հունվար, 1905, էջ 14—20: Մակլերն այստեղ վիճարկում է մակագրություններով կազմերի ներկայացրած ընդհանուր հետաքրքրությունը:

4. Տե՛ս ծան. 2:

5. La rellure arménienne.—«Բազմավեպ», 1963, № 8—10, էջ 200—204: Հաղվածն ավելի շուտ վերաբերում է կազմերի կառուցվածքին:

6. Կազմերի զարգարման արվեստը միջնադարյան Հայաստանում.—«Բանբեր Մատենադարանի», հ. 4, 1958, էջ 183—203, 15 պատկերազարդումներով: Տե՛ս նաև նրա՝ Փաղաքները և արհեստները Հայաստանում 9—13-րդ դարերում, հ. 1, Երևան, 1958, հատկապես կաշեգործության վերաբերյալ բաժինը (էջ 296—302), ինչպես նաև կազմարարության (էջ 316—321):

7. Պեթերրիչը զբաղվել է բյուզանդական և արևելյան կազմերի ուսումնասիրությամբ, իսկ ինչ վերաբերում է ինձ, ապա ես աշխատել եմ հայկական ձեռագրերի զարգարվեստի և մանրանկարների վրա:

8. Ցուցակը մնում է չհրատարակված: Բովանդակությունը հետևյալն է. 1) ձեռագրի համարը, 2) գործվածքի աստառի առանձնահատկությունները, 3) սառը եղանակով դրոշմազարդումը և օգտագործված դրոշմամամլիչները, 4) հետաքրքիր մանրամասներ:

9. Inscribed Armenian Manuscripts Bindings in the Collection of the Mekhitarist Brotherhood of Venice, V Simposio Internazionale de Arte armena. Ղենետիկ, 1988, մայիս—հունիս:

10. Տե՛ս Գարեգին Հովսեփյանի վկայակոչված հոդվածը՝ Հավ պատկերազարդումներ կարելի է գտնել «Էջմիածնի դանձերում», էջմիածին, 1984:

11. Փանի որ արծաթե կազմերը մեր ուսումնասիրության մաս չէին կազմում, մենք չենք պարզել դրանց ճշգրիտ թիվը: Ըստ իմ մոտավոր հաշվումների Երևանի Մատենադարանի 11 000 ձեռագրերի 2,5—5 տոկոսը կրում են մետաղյա զարդարանքի այս կամ այն ձևը:

12. Բ. Առաքելյան. Կազմերի զարգարման արվեստը:

13. Մաշտոցի անվ. Մատենադարան (ՄՄ), ձեռ. № 4804, 3793, 275: Բ. Առաքելյան. Կազմերի ..., էջ 185:

14. Նույն տեղում, էջ 183:

15. Ես կարծում եմ, որ այս ուղղանկյունը խորհրդանշում է Քրիստոսի զերեզմանի վրա դրված քարը: Հին քրիստոնեական արվեստում այն հաճախ պատկերվում է, օրինակ, Հարություն տեսարանում: Եթե խաչը, որ գտնվում է վերի կողի վրա, խորհրդանշում է Խաչելությունը, ապա ուղղանկյունը մեզ է ներկայացնում վերջինիս լրացումը՝ Հարությունը: Ես հույս ունեմ մոտ ապագայում մի ուսումնասիրություն պատրաստել այս թեմայով:

16. ՄՄ, ձեռ. № 7735՝ 986 թ., ձեռ. № 283՝ 1033 թ., ձեռ. № 5747՝ X դար կամ ավելի առաջ, Վենետիկի ձեռ. № 1366՝ 1200 թ.:

17. Տե՛ս Բ. Առաքելյան. Կազմերի ...:

18. Այս դամբերն արդու՞ք ծառայում էին կաշին պահպանելուն՝ ըստ բյուզանդական ավանդույթի, թե՞ պարզապես դեկորատիվ բնույթի էին: Հավանաբար երկուսը միասին:

19. Տե՛ս Բ. Առաքելյան, Կազմերի..., նկ. 7 և 8՝ Ղրիմի նմուշների համար:

20. ՄՄ, ձեռ. № 982: Ցուցակ ձեռագրաց, հ. 1, Երևան, 1970, 451—2 հիշատակարանները. այստեղ ասվում է, որ ձեռագիրը «փրկվել է» 1560 թ.:

21. Նոր Զուգայի վանք, ձեռ. № 305, տե՛ս Simbat Ter-Avetissian. Katalog der Armenischen Handschriften in der Bibliothek des Klosters in Neu-Djouffa. Հայերեն՝ զերմաներեն վերնագրով, հ. 1, Վիեննա, 1970:

22. Համապատասխանաբար ՄՄ, ձեռ. №№ 4812 և 9841:

23. Տե՛ս Henri Bouchot. Les reliures d'art à la Bibliothèque nationale. Paris, 1888, p. VI. Հմմտ. MacIer. Op. cit., p. 20.

24. Տե՛ս Raymond Kévorkian. Catalogue des „Incunables“ arméniens (1511/16:5) ou Chronique de l'imprimerie arménienne. Genève, 1936.

25. Վերի կողի վրայի մակագրությունը թվագրված չէ, բայց կա մի հիշատակարան, որ խոսվում է կազմարարի մասին. ՄՄ, ձեռ. № 200, տե՛ս մանրամասն կատալոգի հ. 1:

26. Համապատասխանաբար ՄՄ, ձեռ. №№ 437 և 569:

27. 1617 թ. մի կազմ, պատրաստված Շատախի քահանա Դավթի կողմից, ՄՄ, ձեռ. № 6316, 1460 թ. մի Ավետարանի համար. մյուսներն են՝ 1613 թ., ՄՄ, ձեռ. № 1809, գրիչ Մարտիրոս. 1615 թ., ՄՄ, ձեռ. № 4004, ընդօրինակված Գանձասարում 1420 թ., գրիչ՝ Առաքել արեղա. 1615 թ., ՄՄ, ձեռ. № 4949, XV դար, գրիչ՝ Ստեփաննոս. 1619 թ., Նոր Զուգայ, ձեռ. № 229, գրիչ Սիմեոն:

28. Նոր Զուգայի վանք, ձեռ. № 153, Ավետարան, 105 և 105 ձեռագրերը ընդօրինակվել են Խաչահանում նույն թվականին:

29. Նոր Զուգայի վանք, ձեռ. № 258, Յայմաուրք:

30. Մակերի կողմից հրատարակված 1723 թ. կազմը (նշվ. աշխ., էջ 15—16) ֆրանսիական տիպի է. ռայն կրում է Անրի III-ի ժամանակվա, այսինքն՝ 1520—1550 թթ. միջև կազմերն ընդօրինակող մի կազմ: Հեղինակը ենթադրում է, որ դրոշմամալիչները պատրաստվել են Տրանսխայում կամ Իտալիայում՝ պատվերով:

31. Այս վիճակագրության համար հիմք են ծառայել Նոր Զուգայի վանքի հավաքածուի ձեռագրերը. ձեռագրացուցակի առաջին հատորում ընդգրկված են 587 ձեռագրերից 35-ը (6 տոկոսը): Մակայն քանի որ ձեռագրերի մի մասն ունի այլ ծագում, քան Նոր Զուգան, մեզ թվում է, որ 10 տոկոսը տրամաբանական թիվ է. Ter-Avetissian, Op. cit.

32. Տե՛ս Բ. Առաքելյան. նշվ. աշխ.՝ պատկերազարդման համար: Արձանագրությունը հրատարակված է՝ Թ. Նդանյան, Ա. Զեյթունյան, Փ. Անթարյան. Մայր ցուցակ հայերեն ձեռագրաց. հ. 1, Երևան, 1984, հիշատակարան 809, նաև՝ Վ. Հակոբյան. Հայերեն ձեռագրերի XVII դարի հիշատակարաններ. հ. 3, (1641—1660), Երևան՝ 1984, № 1297/7, էջ 1658:

33. Նախորդ ծանոթագրությունում վկայակոչված Լեկու աշխատությունները չեն տալիս մակագրության այս մասը:

34. Իս վերականգնել եմ մակագրության տեքստն ըստ Ֆ. Մակերի յուսանկոթի՝ Miniatures arméniennes: Vies du Christ, peintures ornementales. Paris, 1913, pl. LXII, fig. 134. Գրչի հիշատակարանը նույն տեղեկությունները չի տալիս, ինչ որ կազմի վրայի մակագրությունը, ինչպես նշում է Մակերը, էջ 42:

35. 564թ, 565, 565թ թերթերի հիշատակարաններ:

36. «Քրիստոսի ծառայողի հաղորդող բառերը դավար են հասկացվում:

10 «Հանդես», № 2

37. Սկզբում կազմարարը դրոշմել է ՏՈՒՐ տառերը՝ հաշատուր անվան վերջին մասը, հետո դրանց վրայից ավելացրել է է տառը, թողնելով սակայն, Ի-ը, այսպիսով ՏԷՐ-ի փոխարեն ՏԷԻՐ ստանալով։ Բարսեղ Սարգիսյան և Գրիգոր Սարգսյան. Մայր ցուցակ հայերեն ձեռագրաց. հ. 3, Վենետիկ, 1966, № 422, հիշ. 557, ապիս են մակագրությունը, բայց չեն մատնանշում սխալը։

38. Ես հետևեի Լև Ֆ. Մակկարի թարգմանությանը՝ «Note sur quelques manuscrits arméniens avec leurs titres en turc». Ս. 101, 1. 18, բայց կան մակագրության հայերենի հետ կապված որոշ հարցեր։ Ես դեռ չեմ ստուգել անմիջականորեն կառմը։

39. Ես հետևել եմ Ֆ. Մակկերի թարգմանությանը, նույն տեղում, էջ 16։ Ես դեռ չեմ ստուգել անմիջականորեն կառմը։

40. Բոլոր մանրամասների համար տե՛ս Բարսեղ Սարգիսյան. Մայր ցուցակ հայերեն ձեռագրաց. հ. 1, Վենետիկ, 1914, № 187, հիշ. 777—782։

41. Վենետիկյան այս յոթերորդ կաղմը շատ կոպտորեն է պատրաստված՝ ուռուցիկ պատկերներով, սե կաշվի մոտ։ Մեծ հակադրություն կա սրա և նոր Զուղայի մյուս կաղմերի միջև, որոնք ավելի ներագահ են։

42. Այս ճանադրերի տեքստերը մեծ մասամբ Աստվածաշնչի մեկնություններ էին և այլ ձեռնարկներ հեղեղակալության համար։

43. Բացի այդ, զբաղաբի հալ արհեստավորները, հատկապես ոսկերիչները, օգնում են պատրաստելու տպատառերի և գլխատառերի մայրատառերը (պուանսոն), մամլամայրերը (մատրիցա) և կաղապարները։ տե՛ս Kevorkian p. cit., p. 114. Տպարանը վերականգնվել է 1687-ին, մեկ տարով, նույն տեղում, էջ 122։

44. Л. Дурново. Армянская набонка. М., 1953. Երևանի Մատենադարանի ձեռագրերի հաշարածոյի աստանների ճշգրիտ պատճենների՝ 82 չրաների նկարների մի այլում. տեքստ համարյա չկա։ Յ. Բ. Тараян. Набонка в Армении. Ереван, 1978. Հնդգրկում է ծախսված տեքստ, որովմոծներին պատասխանների 14 լուսանկար՝ Երևանի նույն հաշարածոյից է։ Մատենադրությունը ի նկատի ունենալ նաև «Форзацы» գլուխը՝ И. Дрампян, Э. Корхмазян. Художественные сокровища Матенадарана. Ереван, 1976, с. 152—165.

ПЕРЕПЛЕТЫ С НАДПИСЯМИ АРМЯНСКИХ РУКОПИСЕЙ

ТИГРАН КУИМДЖЯН (Париж)

Резюме

Среди разнообразных переплетов, характерных для армянских рукописей, исследована особенно одна их разновидность—кожаные переплеты с тиснеными на них надписями. Основываясь на сведениях, которые можно почерпнуть из памятных записей писцов или переплетчиков, делается вывод, что в позднесредневековый период (в XVII—XVIII вв.) в Новой Джульфе существовала целая школа переплетного дела с уже сложившимися традициями.